

EIZARI BERTSOLARI BAT.



(NEURE ADISKIDE ON BIZENTE AGIRRE EUSKARA ZALE CHITO ARGIARI)

Goiſean gois jagita, eizara naz juan,
 Arrastaka eguna emon dot basuan;
 Erbi bati jarraika zortzi bat orduan,
 Ibilli arren, jausi echaku lazuan.

Bekoki au askotan egin dot leortu,
 Zergaitik izerditan danau nazan urtu;
 Arnasarik ezinda azkenean artu,
 Laurak ingururako egin dot ukatu.

Bota bear ninduan goseak lurrera,
 Auſe izan da nire gaurko alogera;
 ikusirik eguna joiala aurrera,
 Jarrita biykatik jana dot atera.

Jatea kerizpetan guztiz zan atsegiñ,
 Erle batek ez baleust ernegau eragiñ;
 Burrun burrun, kantauta, izpiagaz deust miñ,
 Dabla, eskuaz jo ta aplastau dot ariñ.

Asarrez jagi naz ta zekorrak, orrua,
 Jarraitzen abiau jat zezen arranua;
 Ezautu dodanean ekarren asmua,
 Tiro bategaz kendu deusat amorrua.

Urrengo chakurcho bat atera jat, chau, chau,

Jarraitu ta aginka urratu deust prakau;
 Arrabioz jaso dot gora gora ankau,
 Agiñetan jo eta bota deustadaz lau.

Echeruntz nentorren da, astoak arrantza,
 Esan deustat falta dok kantetako gatza:
 Saltoka moldau gura zelanbait dok dantza,
 Baña ez dok kenduko iñoz asto antza.

Sasi batetik gero norbaitek deust, chio,
 Bertatik eranzunaz diñotsat adio,
 Ni nok Pilipe, deitzen, sekula ez Pio,
 Chori artean izan ik bear dok chibo.

Kukuak bere bota deust bertsoa kuku,
 Eranzun baga ez dot nai izan geratu;
 Uda barrian egin ik arren ujuju,
 San Pedroetan oi dok kukua mututu.

Zozoak ondorean kantetan deust zor, zor,
 Eranzun deustat mutill, zorra beti dok zor,
 Jaunari alabantzak ni bizi nok gogor,
 Artzekorik badeustak kobretara ator.

Errira sartuaz bat loruak, tontua,
 Deitu deust ta entzun dau tontuagua,
 Iñok erakutsia bota dok bertsoa,
 Ik eurez asmetako ¿nun dok talentua?

Basotik echeraño amaikak nau tenta,
 Guztiai emon deutset baña errespuesta;
 Arira egitea orren errez ezta,
 Alanbere euki dot gaur naikoa beta.

Bertsolari gichi haz, geyago eizari,
 Eskopeta dot ona, kañoiak ditu bi;
 Zuzen apuntau eta makiña bat chori,
 Pikua ebagita mutu dot ipini.

FELIPE ARRESE TA BEITIA.

